

佛說十地經

佛說十地經卷第四

時

于闐三藏沙門尸羅達摩於北庭龍興寺詔譯

菩薩難勝地第五

菩薩聞此勝地行

於法解悟心歡喜

空中雨華讚歎言

善哉大士金剛藏

自在天王與天衆

聞法踊躍住虛空

普放種種妙光雲

供養如來喜充徧

天諸姝女奏天樂

亦以言詞歌讚佛

悉以菩薩威神故  
佛願久遠今乃滿  
釋迦文佛至天宮  
大海久遠今始動  
有情久遠始安樂  
功德彼岸皆已到  
尊極清淨如虛空  
大千尼尊現於世

於彼聲中發是言  
佛道久遠今乃得  
利天人者久乃見  
佛光久遠今乃放  
大悲音聲久乃聞  
驕慢黑暗皆已滅  
不染世法如蓮華  
譬如須彌出巨海

供養能盡一切苦 供養必得諸佛智  
此應供處供無等 是故歡心供養佛  
如是無量諸天女 發此言詞稱讚已  
一切恭敬喜充滿 瞻仰如來默然住  
是時大士解脫月 復請無畏金剛藏  
第五地中之行相 願爲佛子今演說  
尔時金剛藏菩薩告衆菩薩言唯諸

佛子若是菩薩第四地道善圓滿已  
欲入菩薩第五地中當以十種平等  
清淨心意樂入何等為十所謂過去  
佛法平等清淨意樂未來佛法平等  
清淨意樂現在佛法平等清淨意樂  
戒平等清淨意樂定平等清淨意樂  
除見疑惑平等清淨意樂道非道智

平等清淨意樂斷智平等清淨意樂  
一切菩提分法後後觀察平等清淨  
意樂成熟一切有情平等清淨意樂  
菩薩以是十種平等清淨意樂入第  
五地唯諸佛子菩薩已至此第五地  
由善瑩飾覺分道支由善清淨增上  
意樂復求後世殊勝道時爲如是事  
隨正行故願力所持故以大慈悲不

捨一切諸有情故積集福智二資糧  
故無休息故引發善巧妙方便故觀  
照後後地光明故由常勤求佛加持  
故念慧趣覺力所持故得不退轉正  
作意已如實了知此苦聖諦此是苦  
集此是苦滅此能滅苦正行聖諦皆  
如實知又此菩薩於世俗諦而得善  
巧勝義諦善巧相諦善巧差別諦善

佛說十地經卷第四

巧安立諦善巧事諦善巧生諦善巧  
於無盡生智諦善巧於趣入道智諦  
善巧一切菩薩地次第相續已成就  
故乃至如來智集諦中而得善巧  
復次此菩薩令他有情如其意樂皆  
歡喜故知世俗諦以能證入一切理  
趣故知勝義諦覺法自相及共相故



善知相諦悟法差別安立義故知差別諦解了蘊界處安立故知安立諦了達身心逼惱的故名知事諦通達諸趣生相續故能知生諦一切熱惱究竟滅故名爲知盡無生智諦引發無二故知入道智諦遍以一切行相覺故一切菩薩地次相續得成就已乃至能知如來智集諦此復但由勝

解智力非以究竟智而知之菩薩如是  
是以諦善巧所引正慧如實了知一  
切有爲虛妄詐僞誑惑愚夫即此菩  
薩轉復一切諸有情所大悲現前大  
慈光明而得發生菩薩如是智力所  
持於有情界有所顧戀希求佛智觀  
察一切諸有爲行前際後際如從前  
際無明渴愛所生有情隨生死流之

所漂轉從蘊執藏不勝進者增長苦  
蘊無我無壽無養育者無數取趣離  
我我所皆如實知如其未來於無所  
有愚癡愛欲究竟有斷邊際出離或  
非有者亦如實知即此菩薩作是思  
惟此諸迷倒異生之類甚爲可賤有  
無數身已滅當滅今亦滅歿如是盡

滅不能於身而生狀離轉更增長衆  
苦機關隨生死流不能還返不能棄  
捨諸蘊執藏不能狀離大種毒蛇不  
能拔出見慢箭鏃不能息滅貪恚癡  
火不能飄蕩無明黑闇不能枯涸渴  
愛巨海不求十力大聖導師隨魔意  
樂稠林而行常於無際生死溟渤種  
種尋伺波濤海獸紛擾之中漂轉無

息我今爲彼如是無量衆苦所逼孤  
獨無救無依無宅無洲無道盲無目  
者無明如穀厚瞋纏裹昏闇所覆諸  
有情故獨一無侶修集無量福智資  
糧以是資糧令彼一切有情當證究  
竟清淨乃至獲得如來十力無礙佛  
智菩薩如是以善觀察智所引慧所  
修善根皆爲救護一切有情爲欲饒

益一切有情爲欲安樂一切有情爲  
由哀愍一切有情爲令有情無諸災  
患爲欲解脫一切有情爲欲引起一  
切有情爲令有情發起淨信爲欲調  
伏一切有情爲欲滅度一切有情而  
修集之菩薩安住於此第五難勝地  
時名具念者不忘正法故名具慧者

智善決了故名具趣者覺於經趣祕  
密教故名慙愧者護自佗故名堅持者  
不捨律儀及戒行故名爲覺者觀處  
非處得善巧故名隨智行者非佗所  
引故名隨慧行於有義無義二俱句  
中得善巧故名爲引發神通者於修  
引發得善巧故名爲方便善巧者隨  
世閒而轉故名爲無厭足者善集福

德資糧故名無休息精進者訪求智  
慧資糧故名無厭倦意樂者集大慈  
愍資糧故名爲一切有情加行者以  
能滅度諸有情故名爲不慢求加行  
者求如來力無畏不共諸佛法故名  
善引發作意行者引發佛土諸莊嚴  
故名造種種善業者集相好故名  
爲常恒善加行者求佛身語意莊嚴



故名大尊重能承事者於一切菩薩  
諸法師所如教行故名爲心無礙者  
以大方便善巧相續入世間故名爲  
日夜離餘心者唯爲成熟一切有情  
而修行故菩薩如是勤修行時以依  
布施成熟有情又以愛語又以利行  
又以同事又以示現端嚴色身又以

說法又以開示諸菩薩行又以顯示  
如來大我又以現示生死過失又以  
稱讚佛智勝利引發廣大神通遊戲  
種種方便作用加行成熟有情而此  
菩薩如是精勤成熟有情其心相續  
恒趣佛智善根加行無有退轉求勝  
法故而勤修學爲欲饒益諸有情故  
世間所有種種書論印璽算計金性

等論諸鑿方論謂療乾消癰癰鬼魅  
損壞蠱毒及起屍鬼呪咀和合文筆  
讚詠歌儻伎樂戲笑談說喜樂之處  
國城林邑宮宅園苑泉流陂池華果  
藥草叢林布列顯示金銀摩尼真珠  
瑠璃貝玉珊瑚等性入於日月星宿  
地震諸鳥獸鳴夢相吉凶所受徧身  
及肢分相律儀戒行靜慮神通四無

量心無色定處及餘所有無惱害事  
能引一切有情利樂無罪事業如是  
一切皆能引發於諸有情有悲愍故  
漸令安住無上佛法菩薩住此難勝  
地中由廣大見及由願力現見多佛  
多百佛多千佛多百千佛多百千那  
庾多佛多俱胝佛多百俱胝佛多千

俱胝佛多百千俱胝佛多百千俱胝  
那庾多佛菩薩見是如來應供正等  
覺已悉以廣大增上意樂恭敬尊重  
承事供養奉施衣服飲食臥具病緣  
醫藥諸資生具奉獻菩薩諸妙樂具  
於僧伽衆而作恭敬以此善根迴向  
無上正等菩提殷重承事諸佛如來  
恭敬尊重以希有想聽聞正法聞已

受持隨分修行多分於彼諸佛聖教  
淨信出家既出家已便則能作聞持  
法師此復多分以聞行相逮得總持  
而爲法師菩薩住此難勝地者於無  
量劫此諸善根轉勝熾然而得明淨  
無量百劫無量千劫無量百千劫無  
量百千那庾多劫無量俱胝劫乃至  
無量百千俱胝那庾多劫此諸善根

轉勝熾然而得明淨唯諸佛子譬如  
金師以所鍊金作莊嚴具以砵礫磨  
瑩轉更熾然轉勝復明淨唯諸佛子  
菩薩住此難勝地中此諸善根亦復  
如是以方便慧思惟觀察更勝熾然  
轉復明淨由智加行功德所引思惟  
觀察不可映奪又諸佛子譬如日月

星宿宮殿所有光明一切風輪不能  
映奪亦非風共唯諸佛子菩薩住於  
難勝地中於此善根亦復如是以方  
便慧智思惟觀察隨所行故一切聲  
聞諸獨覺等不能映奪亦非世閒餘  
善根共而此菩薩十到彼岸中靜慮  
到彼岸而得增上餘到彼岸隨力隨  
分非不修行唯諸佛子是名略說菩



薩第五難勝智地菩薩安住於此地  
中受生多作珊觀史多天王能爲自  
在善化有情令捨一切外道邪法能  
令有情住實諦中諸所作業或以布  
施或以愛語或以利行或以同事此  
等一切悉皆不離佛作意法作意僧  
伽作意菩薩作意菩薩行作意到彼  
岸作意諸地作意佛力作意無所畏

作意佛不共法作意乃至不離一切  
行相勝妙相應一切智智作意常作  
意願言我當一切諸有情中爲首爲  
勝爲殊勝爲妙爲微妙爲上爲無上  
爲導爲將爲師乃至願得一切智智  
所依止處若樂發起如是精進由是  
精進一剎那頃瞬息須臾證百俱胝

諸三摩地能見百俱胝佛彼佛加持  
皆能解了能動百俱胝世界能往百  
俱胝諸佛刹土能照百俱胝世界成  
熟百俱胝所化有情能住壽量百俱  
胝劫於前後際各皆能入百俱胝劫  
能正思擇百俱胝法門能示現百俱  
胝身身身皆能現百俱胝菩薩眷屬  
圍繞從此以上是諸菩薩有願力者

由勝願故所有遊戲或身或光明或  
神通或眼或境界或音聲或行或莊  
嚴或勝解或所作此等乃至念所百  
千俱胝那庾多劫不易可數尔時金  
剛藏菩薩欲重宣此義而說頌言  
菩薩第四跋慧地 所修正行已清淨  
便悟三世佛平等 謂由戒定除見疑  
於道非道并正行 觀察後後覺分智

十地經卷第四

第十 時

成熟有情平等故  
念處爲弓根利箭  
五力堅鎧破怨敵  
惠愧爲衣覺分鬘  
善巧方便妙莊嚴  
神足爲足正念頸  
入中師子無我吼  
通達此入第五地  
正勤爲馬神足車  
勇健得入第五地  
淨戒芬馥定塗香  
遊總持林等持苑  
慈悲爲眼智慧牙  
殑滅惑獸入五地

菩薩住此第五地

轉修勝上清淨道

志求佛法不退轉

思念慈悲無厭倦

積集福智勝功德

精勤方便觀上地

佛力所加具念慧

了知四諦皆如實

善女世諦勝義諦

相諦差別成立諦

事諦生盡及道諦

乃至無礙佛智諦

如是觀諦雖微妙

未得無礙勝解脫

以此能生大功德

是故超過世間慧

既觀諦已知有爲  
體性虛偽無堅實  
得佛慈愍光明分  
爲利有情求佛智  
觀諸有爲前後際  
無明昏闇愛纏縛  
流轉遲迴苦趣中  
無我有情及壽者  
愛取爲因受來苦  
欲求邊際不可得  
迷妄漂流無返期  
此等可愍我應度  
蘊宅界地諸見箭  
欲火猛熾無明闇  
愛河漂轉不暇觀  
苦海淪淪闕明導

如是知已勤精進

所作皆爲度有情

名爲具念具慧者

乃至覺解方便者

習行福智無厭足

恭敬多聞不疲倦

莊嚴刹土引相好

如是一切爲有情

爲欲教化諸世間

善知書論數印等

亦能善解諸方藥

療治衆病悉令愈

文詞歌偈皆巧妙

布列宮宅園池等



種種寶性咸示人  
日月星宿地震動  
靜慮等至及神通  
智者住此難勝地  
如以硨磲瑩真金  
譬如星宿宮殿光  
如蓮處泥無染汙  
多作觀史多天王

利益無量有情故  
乃至身相亦觀察  
爲益世間皆顯示  
供養諸佛及聽法  
善根轉淨亦如是  
非爲風輪所映奪  
菩薩於世行亦然  
能摧異道諸邪見

所修諸善爲佛智

願得十力濟羣生

此若發起大精進

剎那見百俱胝佛

得定至現身亦然

願力所作過於是

如是第五難勝地

人天尊者眞實道

我以種種方便力

爲諸佛子宣說竟

菩薩難勝地第五竟

菩薩現前地第六

菩薩旣聞諸勝行

其心歡喜雨妙華

放淨光明散寶珍

供養如來稱善說

百千天衆皆欣慶

共在空中雨衆寶

華曼瓔珞及幢幡

寶蓋塗香咸供養

自在天王并眷屬

心生歡喜在空中

散寶成雲持供養

讚言佛子使宣說

無量天女空中住

共以樂音歌讚佛

聲中悉作如是言

佛語能除煩惱病

法性本寂無諸相 猶如虛空離分別  
超諸取著絕言道 眞實等品常清淨  
若能通達諸法性 即於有無心不動  
爲欲救世勤修行 此佛口生眞佛子  
不取衆相而行施 本絕諸惡堅持戒  
解法無生常堪忍 知法性離具精進  
煩惱已盡而入禪 善達性空分別法  
具足智力能廣濟 滅除衆惡稱大士

如是妙音千萬種

讚已默然瞻仰佛

解脫月言金剛藏

以何行相入後地

尔時金剛藏菩薩告衆菩薩言唯諸

佛子若是菩薩第五地中所修之道

善圓滿已欲入菩薩第六地者當以

十種法平等性而入何等爲十所謂

以一切法無相平等以一切法無自

相平等以一切法無起平等以一切

法無生平等以一切法寂靜平等以一切法本來清淨平等以一切法無戲論平等以一切法不取不捨平等以一切法如幻如夢如影如響如水如月中月如鏡中像如陽燄水如化平等以一切法有無不二平等以此十種法平等性入第六地菩薩如是觀察

隨瑩隨順不逆一切諸法平等性故  
通達第六現前智地但以猛利順心  
而證猶未現得無生忍門菩薩隨行  
如是自性一切法時以大悲愍爲先  
導故以大悲愍爲增上故爲欲圓滿  
大悲愍故觀諸世間合散生滅菩薩  
觀此世生滅時作是思惟世間所有  
受生施設一切皆由我執而起若離

我執則無世間受生施設復作是念  
此諸異生愚癡無智執著於我無明  
眩瞀之所覆蔽求有非有隨不如來  
作意馳散奔驚僻路隨邪而行集福  
非福不動諸行而彼有情諸行所植  
有漏有取心之種子復續來世生及  
老死中有後有業由攝藏無明闇覆  
愛水滋潤我慢既滿見網增盛生名



色種牙生已增長名色長已五根流  
轉諸根轉已逝互與識相對有觸由  
觸相對諸受發生自後於受欣樂名  
愛愛增長取取增生有由有生已五  
蘊發生五蘊起已於五趣中漸漸衰  
變衰已失壞衰失壞故有諸熱惱因  
熱惱故一切愁歎及苦憂惱衆苦皆

集此之一切無有集者任運而滅亦  
無滅者菩薩如是隨順行相觀察緣起  
復次菩薩作是思惟以勝義相於諦  
無知名爲無明無明所作業果名行  
行爲依止初心名識與識俱生餘四  
取蘊說爲名色名色增長說爲六處  
根境識三事和合名有漏觸俱生名  
受於受味著名爲渴愛渴愛增長是

名爲取從取起有漏業名爲業等流  
諸蘊起名爲生蘊熟爲老蘊壞名死  
臨死欲壞愚迷之者有貪戀故心熱  
名愁由愁發語號咷歎五根相對  
不悅名苦意識相對不悅名憂憂苦  
所生吁嗟名惱純大苦對如是增成  
於中永無作者受者

復作是念由執作者方有作用旣無

作者以勝義諦作用亦無即此菩薩  
作是思惟所言三界此唯是心如來  
於此分別演說十二有支皆依一心  
如是而立何以故若於事中貪欲相  
應心起是識事即是行於行迷惑是  
即無明與無明及心共生是謂名色  
名色增長是謂六處六處三分是謂

觸觸共生是受受用之時無厭是愛  
愛遍攝受不捨是取彼有支生趣是  
有有所起名生生熟為老老壞為死  
此中無明有二種所作一所緣故迷  
惑有情二為諸行生起與因諸行行  
亦有二種所作一能生起未來異熟  
二為於識生起與因識亦有二種所  
作一能續有二為名色生起與因名

色亦有二種所作一互相資助二爲  
六處生起與因六處亦有二種所作  
一能現示自境差別二爲於觸生起  
與因觸亦有二種所作一能觸所緣  
二爲於受生起與因受亦有二種所  
作一能領納愛非愛境及二相違二  
爲於愛生起與因愛亦有二種所作  
下可染事中染著二爲於取生起

與因取亦有二種所作一能續雜染  
二爲於有生起與因有亦有二種所  
作一令後有異趣現前二爲於生生  
起與因生亦有二種所作一能起諸  
蘊二爲於老生起與因老亦有二種  
所作一令諸根有衰變異二共死會  
合生起與因死亦有二種所作一能

壞諸行二非徧知斷

復次於中無明緣行者無明緣性謂  
行不斷復有扶助行緣識者於行緣  
性謂識不斷復有扶助識緣名色者  
於識緣性謂名色不斷復有扶助名  
色緣六處者名色緣性謂六處不斷  
復有扶助六處緣觸者六處緣性謂  
觸不斷復有扶助觸緣受者於觸緣



性謂受不斷復有扶助受緣愛者於受  
緣性謂愛不斷復有扶助愛緣取者  
於愛緣性謂取不斷復有扶助取緣  
有者於取緣性謂有不斷復有扶助  
有緣生者於有緣性謂生不斷復有  
扶助生緣老死者於生緣性謂死不  
斷復有扶助無明滅故行滅者由於  
無明緣性無故諸行斷滅更無扶助

行滅故識滅者由於諸行緣性無故  
識亦斷滅更無扶助識滅故名色滅  
者由於識緣性無故名色斷滅更無  
扶助名色滅故六處滅者由於名色  
緣性無故六處斷滅更無扶助六處  
滅故觸滅者由於六處緣性無故觸  
亦斷滅更無扶助觸滅故受滅者由

於觸緣性無故受亦斷滅更無扶助  
受滅故愛滅者由於受緣性無故愛  
亦斷滅更無扶助愛滅故取滅者由  
於愛緣性無故取亦斷滅更無扶助  
取滅故有滅者由於取緣性無故有  
亦斷滅更無扶助有滅故生滅者由  
於有緣性無故生亦斷滅更無扶助  
生滅故老死滅者由於生緣性無故

老死斷滅更無扶助

復次於中無明愛取是謂煩惱流不斷絕行有是業流不斷絕餘支是苦流不斷絕以差別故前後際滅是流斷絕如是三流悉是無我離我所自性生滅猶若束蘆

復次所說無明緣行是前世觀待識乃至受是現世觀待愛乃至有是後

地經卷第

第八

時

世觀待由是於後相續流轉無明滅  
故行滅者是觀待斷絕復由如是十  
二有支有三苦性此中諸行乃至六  
處是行苦性觸受此二是苦苦性所  
餘有支是壞苦性無明滅故行滅者  
是三苦性究竟斷滅無明緣行者是明  
顯行從因從緣所生之性餘亦如是

無明滅故行滅者此則顯示行無自  
性餘亦如是無明緣行者是生連縛  
餘亦如是無明滅故行滅者是滅連  
縛餘亦如是無明緣行者是隨順有  
觀餘亦如是無明滅故行滅者是隨  
順盡滅觀餘亦如是菩薩如是以十  
行相順逆觀察諸緣起法所謂有支  
相續故入一心故自業差別故不相

捨離故三流不斷故前今後世觀待  
理故三苦集故因緣所生故生滅連  
縛故觀有盡故菩薩以是十種行相  
觀諸緣起由以無我無壽命者無數  
取趣自性空寂離作者變者觀緣起  
故空解脫門而現在前即此菩薩彼  
諸有支自性滅故究竟解脫現證住  
故無少法相復生起者由是無相解

脫門而現在前又此菩薩如是趣入  
空無相已無餘願求唯除大悲為先  
導故成熟有情由是無願解脫門而  
現在前菩薩如是修習此三解脫門  
時離自佗想遠離作者及受者想離  
有無想大悲為首於未修證諸覺分  
法為修證故轉復修行作是思惟由



相應故有爲法轉由不相應不能流  
轉由和合故有爲流轉若無和合則  
不流轉我已解了諸有爲法如是多  
各汙染而轉是故我今當斷相應及  
彼和合然爲成熟諸有情故不應永  
滅一切有爲唯諸佛子菩薩如是觀  
諸有爲多各汙染永無自性本性畢  
竟不生不滅觀察此時興大悲故不

捨一切有情聚故名無著智現前般  
若波羅蜜多住以影現故而現在前菩  
薩成就如是智已慧到彼岸住之所  
照引發能引覺分衆緣然非有住而  
住之觀有爲法自性寂滅不住於彼  
菩提分法未圓滿菩薩住此現前地  
中名入空性三摩地而現在前自性  
空性三摩地勝義空性三摩地最上

空性三摩地大空性三摩地相應空  
性三摩地引發空性三摩地如理無  
分別空性三摩地有願戀空性三摩  
地離不離空性三摩地而悉現前此  
菩薩如是上首於空性門百萬三摩  
地而現在前如是於無相門百萬三  
摩地於無願門百萬三摩地皆現在前

佛說十地經卷第四

十地經卷第四



佛說十地經卷第五

時

于闐三藏沙門尸羅達磨於北庭龍興寺

譯

菩薩現前地之餘

唯諸佛子菩薩住此現前地中不壞  
意樂轉更圓滿決定意樂賢善意樂  
甚深意樂不退轉意樂不休息意樂  
無垢意樂無邊意樂求智意樂方便  
與慧相應意樂皆得圓滿於是菩薩

此諸意樂順佛菩提對諸異論精進  
不退入於智地捨離聲聞獨覺乘地  
一向決定趣於佛智以諸魔怨煩惱  
現行不可映奪善住菩薩智光明中  
善修習空無相無願法之現行恒與  
方便慧觀相應間雜引發菩提分法  
菩薩住此現前地時慧到彼岸住得  
增上及證第三猛利順忍以於諸法

如理隨順不違逆故菩薩住此現前  
地中以廣大見及以願力現見多佛  
多百佛多千佛多百千佛多百千那  
庾多佛多俱胝佛多百俱胝佛多千  
俱胝佛多百千俱胝佛多百千俱胝那  
庾多佛菩薩見是如來應供正等覺  
已悉以廣大增上意樂恭敬尊重承



事供養奉施衣服飲食卧具病緣醫藥諸資生具奉獻菩薩諸妙樂具於僧伽衆而作恭敬以此善根迴向無上正等菩提殷重承事諸佛如來恭敬尊重以希有想聽聞正法聞已受持以無顛倒等持慧智光明修行堅固正行憶持不忘轉更得入如來法

藏於是菩薩住此第六現前地者於  
無量劫此諸善根轉復熾然轉更明  
淨無量百劫無量千劫無量百千劫  
無量百千那庾多劫無量俱胝劫無  
量百俱胝劫無量千俱胝劫無量百  
千俱胝劫無量百千俱胝那庾多劫  
此諸善根轉復熾然轉更明淨唯諸  
佛子譬如金師以所鍊金作莊嚴具

以瑠璃寶瑩飾廁填轉得熾然轉更  
明淨唯諸佛子菩薩住此現前地中  
此諸善根亦復如是以便慧隨所  
思察轉得熾然轉更明淨展轉寂滅  
無能映奪又諸佛子譬言如月光能令  
有情身得悅豫非四風輪所能斷壞  
唯諸佛子菩薩住此現前地中此諸  
善根亦復如是能滅無量百千俱胝

那庾多有情煩惱火燄非四魔道所能斷壞於彼十種波羅蜜多慧到彼岸而得增上餘到彼岸隨力隨分非不修行唯諸佛子是名略說菩薩第六現前智地菩薩安住於此地時受生多作妙化天王能作自在善化有情令增上慢畢竟休息常以一切聲

聞問難不可映奪能令有情證入緣  
起諸所作業或以布施或以愛語或  
以利行或以同事此等一切悉皆不  
離佛作意法作意僧伽作意菩薩作  
意菩薩行作意到彼岸作意諸地作  
意佛力作意無所思作意佛不共法  
作意乃至不離一切行相妙相應一  
切智智作意常作願言我當一切諸

有情中爲首爲勝爲殊勝爲妙爲微  
妙爲上爲無上爲導爲將爲帥乃至  
願得一切智智所依止處若樂發起  
如是精進由是精進一刹那頃瞬息  
須臾證入菩薩百千俱胝諸三摩地  
能見百千俱胝諸佛彼佛加持皆能  
解了能動百千俱胝世界能往百千  
俱胝佛刹能照百千俱胝世界成熟

百千俱胝有情住壽百千俱胝大劫  
於前後際各能入百千俱胝劫思擇  
百千俱胝法門能示現百千俱胝身  
身身能現百千俱胝菩薩眷屬圍遶  
從此以上是諸菩薩有願力者由勝  
願故所有遊戲或身或光明或神通或  
眼或境界或音聲或行或莊嚴或勝

解或所作此等乃重余所百千俱胝  
那庾多劫不易可數尔時金剛藏菩  
薩欲重宣此義而說頌言

菩薩已淨第五地 觀法無相無自性  
無起無生常寂靜 性本清淨無戲論  
亦無取捨如幻等 有無不二離分別  
隨順法性如是觀 由此智入第六地  
猛利順忍智具足 觀諸世間生滅相



知由我執世間生  
如理通達緣起空  
無作無受無命者  
於諦無知名無明  
生時初心名為識  
即此增長名六處  
欣受名愛愛增取  
蘊熟名老蘊壞死

除我執已世無有  
不壞假立和合用  
諸行如雲徧興起  
癡所造業果名行  
俱生餘蘊是名色  
三和謂觸俱生受  
有漏業有蘊起生  
純大苦聚如是集

了達三界唯是心  
生死皆由心所作  
無明所作有二種  
如是乃至老終歿  
無明緣性謂諸行  
由斯無故諸行斷  
癡愛取是煩惱流  
十二有支依心有  
若心滅者生死盡  
由緣迷故興行因  
從此苦生無有盡  
不斷而復有助成  
更無扶助餘亦尔  
行有是業餘皆苦

無明與行為過去  
愛取有生未來苦  
行至六處是行苦  
所餘有支是壞苦  
以從因緣行等起  
無明為緣是生縛  
隨順無明起諸有  
由此彼有無亦然

識至於受是現在  
觀持斷是苦邊際  
觸受增長是苦苦  
若見無我三苦滅  
緣離則斷故性空  
於緣得離縛乃除  
若不隨順諸有斷  
十種思惟心離著

有支相續一心攝  
自業不離及三流  
三際三苦因緣生  
連縛起滅順無盡  
如是普觀緣起行  
無作無受無自性  
如幻如夢如光影  
亦如愚夫逐陽燄  
觀是入空解脫門  
知緣性離入無相  
了其虛妄無所願  
唯除慈愍救有情  
大師修行解脫門  
轉益大悲求佛法  
知有爲從和合有  
志樂決定勤精進

十地經卷第五

第六

時

證空等持具百萬  
無相無願亦復然  
般若順忍皆增上  
解脫智慧得成滿  
復以意樂供多佛  
於佛教中修習道  
得佛法藏增善根  
如金瑠璃所瑩飾  
如月清涼被衆物  
四風來觸無能壞  
此聖能超四魔道  
息世惑熱亦如是  
住此多作善化王  
化導有情除我慢

所作皆求一切智悉已超勝聲聞道  
此地精勤獲百千俱胝菩薩三摩地  
亦見若干無量佛譬如盛夏空中日  
甚深微妙難見知聲聞獨覺無能了  
如是菩薩第六地我為佛子已宣說  
菩薩現前地第六竟  
菩薩遠行地第七  
是時大衆心歡喜散空成雲在空中住

普發種種妙音聲  
了達勝義智自在  
人中蓮華無所著  
自在天主在空中  
亦散最上妙香雲  
尔時大衆皆歡喜  
我等聞斯地功德  
天女是時心慶悅

自於最勝清淨者  
成就功德百千億  
爲利羣生演深行  
放大光明照佛身  
普供除憂煩惱者  
悉發大音同讚述  
則為已獲大善利  
競奏樂音千萬種

悉以如來神力故  
威儀寂靜世無比  
已超一切諸世間  
雖現種種無量身  
巧以音詞說諸法  
往詣百千諸國土  
智慧自在無所著

聲中共作如是言  
能調難調世應供  
而行於世闡妙道  
知身一一無所有  
不取文字音聲相  
以諸上供供養佛  
不生於我佛國想



雖勤教化諸有情而無彼已一切心  
雖已修成廣大善而於善法不生著  
以見一切諸世間貪恚癡火常熾然  
於諸想念悉皆離發起大悲精進力  
一切諸天及天女種種供養稱讚已  
悉共同時默然住瞻仰人尊願聞法  
時解脫月復請言此諸大衆心清淨  
第七地中諸行相惟願佛子為宣說

尔時金剛藏菩薩告衆菩薩言唯諸  
佛子若是菩薩第六地中所修地道  
善圓滿已欲入菩薩第七地者當以  
十種妙方便慧所引不共進道勝行  
而入何等為十所謂善修空無相無  
願三摩地而集廣大福德資糧證入  
諸法無我無壽者無數取趣而不捨  
修四無量心發起廣大福德及法修

行增上到彼岸行而於諸法無少執  
著已得遠離一切三界而能引發三  
界莊嚴已得畢竟寂靜寂滅遠離一  
切諸煩惱而能引發一切有情貪  
瞋癡貪寂滅之行現知諸法如幻如  
夢如影如響如水中月如鏡中像自  
性無二而能引發業用無量差別意

樂依善修習諸刹土道與虛空等而  
能引發佛刹清淨莊嚴之行了知諸  
佛法身為性猶如虛空而能引發妙  
色相好莊嚴其身又知諸佛音聲本  
性寂靜不可言說而能引發一切音  
韻差別莊嚴了知諸佛一刹那頃  
悟三世而能隨入顯示種種相劫數  
等觀諸有情心意樂故菩薩如是以

此十種妙方便慧所引不共進道勝  
行從第六地入第七地唯諸佛子菩  
提薩埵由此十種妙方便慧所引不  
共進道勝行現在前故名爲已入於  
第七地菩薩住此第七地中入於無  
量諸有情界入於無量諸佛世尊成  
熟調伏有情之業入於無量諸世界  
網入於無量諸佛世尊佛刹清淨入

於無量法差別性入於無量諸佛世  
尊智正等覺入於無量無數差別入於  
無量諸佛世尊覺悟三世入於無量  
有情勝解差別之相入於無量諸佛  
世尊示現種種名號色身入於無量  
有情意樂根之差別入於無量諸佛  
世尊言音令他有情生喜入於無量

有情種種心行差別入於無量諸佛  
世尊廣大智行入於無量諸聲聞乘  
遊路勝解信解無量諸佛世尊演說  
入道入於無量諸獨覺乘修證成就入  
於無量諸佛世尊演說趣入甚深智  
門入於無量諸菩薩行所修加行入  
於無量諸佛世尊演說趣入大乘之  
集即此菩薩作是思惟諸佛境界如

是無量百俱胝劫不易筭數千俱胝  
劫百千俱胝劫乃至今時百千俱胝  
那庾多劫不易筭數此佛境界我應  
發起以無功用無分別無異分別當  
令圓滿菩薩如是多善觀智通無間  
無缺精勤修學以不動故名已安住  
於方便慧薰修不共進道勝行又此  
菩薩於一剎那能引發道不起于定



行時引發如是正智精勤修學住坐  
卧時乃至眠夢遠離蓋障諸威儀中  
不匱如意正想作意彼於一心一剎  
那中十到彼岸具足成就所以者何  
由是菩薩所起一切心之所念念念  
皆以大悲為首迴向修證一切佛法  
趣如來智於此菩薩所有善根為求

佛智施與有情是彼布施波羅蜜多  
能滅一切諸煩惱熱是名淨戒波羅  
蜜多慈悲為首於諸有情不為損害  
是彼安忍波羅蜜多無厭增進後後  
善法是彼精進波羅蜜多一切智道  
常現在前未嘗散亂是彼靜慮波羅  
蜜多於性不生不滅法中現前之忍是  
彼般若波羅蜜多引發無量智是彼

方便善巧波羅蜜多引發後後智是  
彼顛波羅蜜多一切異論及諸魔衆  
無能壞道是則彼力波羅蜜多如實  
建立一切諸法是名彼智波羅蜜多  
唯諸佛子菩薩住此遠行地中如是  
十種波羅蜜多刹那皆得具足四種攝  
事及四加持三十七品菩提分法  
三解脫門略言一切覺分之法刹那

十地經卷第五

第十一張

時字

剎那皆悉圓滿如是說已解脫月菩薩問金剛藏菩薩言唯諸佛子菩薩豈但於第七地一切覺分而得圓滿為於一切菩薩地中亦滿足耶金剛藏菩薩言佛子菩薩一切十地位中一切覺分皆悉圓滿然於菩薩第七地中最為殊勝所以者何唯佛子此

菩薩地今有加行行得圓滿轉能趣  
入智神通行然唯佛子於初地中一切  
大願為所緣覺支圓滿第二地中遣  
心垢故第三地中正願增長得法明  
故第四地中趣入道故第五地中隨  
順一切世間事業故第六地中趣入  
甚深諸法門故今此菩薩第七地中  
具足發起諸佛法故覺支圓滿所以

者何菩薩所有始從初地至第七地  
中之所引發智加行分此從菩薩第  
八智地以無功用悉皆成就佛子譬  
如有二世界一者染淨二者純淨是  
二界中間難可得過唯除有大神通  
力持佛子菩薩雜淨行門亦亦難可  
得過唯除有大誓願方便慧通力  
解脫月菩薩言唯諸佛子豈於前七

十地經卷第五

第十二張

時字

菩薩地中菩薩正行以煩惱行之染  
汚耶金剛藏菩薩言佛子以從初地  
諸菩薩行當言遠離諸煩惱業迴向  
菩提增上力故然與隨類道平等故  
於七地中未可當言超煩惱行佛子  
譬如轉輪聖王乘天象寶巡四大洲  
人間貧苦雜染皆能了知而不為彼

衆患所汚然未名爲超過人位若捨  
王身生於梵世乘梵宮殿巡覽千界  
示現梵天光明威德尔乃名爲超過  
人位佛子菩薩亦復如是始從初地  
乘御菩薩到彼岸乘徧遊世間知諸  
有情雜染過患而不爲彼衆患所汚  
乘正道故然於七地猶未可言超煩  
惱患若捨一切有功用從第七地入



第八地乘御菩薩清淨之乘徧遊世  
間知雜染患不為所染已超過故菩  
薩安住於此菩薩第七地中多分超  
過貪等一切諸煩惱衆菩薩修此遠  
行地時如應當言非有煩惱非無煩  
惱所以者何一切煩惱不現行故不  
應說為有煩惱者希求佛智猶未得  
故不應說為無煩惱者菩薩住此第

七地中成就增上意樂清淨身語意  
業超過一切如來所毀不善業道常  
恒護持諸佛所護十善業道如前所  
說於第五地所引世間工巧業處此  
之一切七地菩薩以無功用自然而  
轉於此三千大千世界共許爲師唯  
除如來正徧等覺及已安住第八地

等諸大菩薩意樂加行無與等者所  
有靜慮等持等至神通解脫此彼一  
切皆得現前由修行相現在前故非  
由異熟而得成就如第八地於此菩  
薩安住第七遠行地者諸心念中妙  
慧方便修力成滿一切覺支轉得圓  
滿復次而是菩薩住此第七菩薩地  
時入名善思擇菩薩三摩地名善思

義三摩地名殊勝慧三摩地名分別  
義藏三摩地名擇一切義三摩地名  
善住堅根三摩地名智神通門三摩  
地名法界瑩飾三摩地名如來勝利  
三摩地入名種種義藏生死涅槃門  
菩薩三摩地如是大智神通為首入  
滿百萬諸三摩地淨治此地由得如  
是妙方便慧之所薰修三摩地故獲

十地經卷第五

第七張

時字号

大悲故超過聲聞獨覺乘地智慧觀  
察地現在前於是菩薩住此菩薩第  
七地者無量身業離相隨轉無量語  
業離相隨轉無量意業離相隨轉極  
善清淨無生法忍之所顯發解脫月  
菩薩言唯佛子初地菩薩豈無無量  
身語意業超諸聲聞獨覺行邪金剛

藏菩薩言佛子雖有此行但由佛法  
所緣增上力故非由自覺慧所觀察  
於此菩薩第七地中由自覺慧觀境  
界故無能映奪佛子譬如王子生在  
王家正后所生具足王相纔生即能  
映蔽臣衆但以父王增上自在非以  
自智之所思察若身長大藝業悉成  
乃以自智力所持故超過一切衆臣

所作佛子菩薩亦復如是由初發心  
映蔽一切聲聞獨覺但由廣大增長  
意樂非由自覺慧所觀察今此菩薩  
第七地中於自所行安立智故出過  
一切聲聞獨覺所作事業

佛子菩薩住此第七地已雖得甚深  
寂靜無行身語意業而不捨離尋求  
勝進勇猛加行解脫月菩薩言佛子

菩薩齊等地能入滅定金剛藏菩薩言佛子菩薩從第六地能入滅定今住菩薩第七地中能於一一剎那中趣入滅定而不應言於滅作證由此菩薩說爲成就甚難希奇身語意業謂常安住實際住中而於寂滅能不作證佛子譬如有人乘大船舶



入於大海得船善巧善知水相此終  
不遭大海水難佛子菩薩住此第七  
地中亦復如是乘到彼岸船常能安  
住實際住中而於寂滅能不作證佛子  
菩薩得是智已由三摩地智力修習  
所引妙慧以大方便善巧力故示生  
死門而其意樂住在涅槃眷屬圍遶  
常樂遠離以願力故三界受生而非

世法過患所污雖常寂滅而以方便  
還示熾然雖然不燒常順佛智示入  
聲聞及獨覺地得佛境界蔽示住魔  
境界越四魔道現行魔法示行一切  
諸外道行而其意樂不捨佛法示順  
一切世間業行而常樂入出世法趣  
所有一切莊嚴之事皆過一切天龍  
藥叉樂神及人釋梵護世之所有者

十地經卷第五

第十六張 時

而不捨樂法作意佛子菩薩成就如是智慧住此菩薩遠行地已由廣大見及以願力現見多佛多百佛多千佛多百千佛多百千那庾多佛多俱胝佛多百俱胝佛多千俱胝佛多百千俱胝佛多百千俱胝那庾多佛菩薩見如是如來應供正等覺已悉以廣

大增上意樂恭敬尊重承事供養奉  
施衣服飲食卧具病緣醫藥諸資生  
具奉獻菩薩諸妙樂具於僧伽衆而  
作恭敬以此善根迴向無上正等菩  
提尊重承事諸佛如來恭敬尊重以  
希有想聽聞正法聞已受持以無顛  
倒等持慧智光明修行以成就於諸  
佛所護持聖教一切聲聞及諸獨覺

自現觀中所有問難無能退屈於彼  
多分饒益有情法忍得淨菩薩住此  
遠行地中於無量劫此諸善根轉得  
熾然清淨堪能轉復明淨無量百劫  
無量千劫無量百千劫無量百千那  
庾多劫無量俱胝劫無量百俱胝劫  
無量千俱胝劫無量百千俱胝劫無  
量百千俱胝那庾多劫此諸善根轉

復熾然轉更明淨佛子譬如金師以  
所鍊金作莊嚴具諸摩尼寶瑩飾廁  
填甚爲光麗極爲明淨餘莊嚴具所  
不能及佛子菩薩住此第七遠行地  
中此諸善根亦復如是以方便慧之  
所引發轉得熾然轉復明淨一切聲  
聞獨覺善根不能映奪佛子又如日

光不爲一切衆星月光所能映奪多  
分枯涸瞻部洲中穢濕沮潦佛子菩  
薩住此遠行地中此諸善根亦復如  
是一切聲聞獨覺善根不能映奪多  
分枯涸一切有情煩惱垢穢彼於十  
種波羅蜜多方便善巧波羅蜜多以  
爲增上餘到彼岸隨力隨分非不修  
行佛子是名略說菩薩第七遠行地

菩薩安住於此地時受生多作佗化自在天王善授一切聲聞獨覺現觀方便能令有情入離生正性諸所作業或以布施或以愛語或以利行或以同事此等一切悉皆不離佛作意法作意僧伽作意菩薩作意菩薩行作意到彼岸作意諸地作意佛力作意無所畏作意佛不共法作意乃至



不離一切行相勝妙相應一切智智  
作意常作願言我當一切諸有情中  
爲首爲勝爲殊勝爲妙爲微妙爲上  
爲無上爲導爲將爲師乃至願得一  
切智智所依止處若樂發起如是精  
進由是精進一剎那頃瞬息須臾證  
得百千俱胝那庾多諸三摩地能見

百千俱胝那庾多佛彼佛加持皆能  
解了能動百千俱胝那庾多世界能  
往百千俱胝那庾多佛刹能照百千  
俱胝那庾多世界成熟百千俱胝那庾  
多有情住壽百千俱胝那庾多劫於  
前後際各能入百千俱胝那庾多劫  
善能思擇百千俱胝那庾多法門示  
現百千俱胝那庾多身身身能現百

千俱胝那庾多菩薩眷屬圍遶從此  
以上是諸菩薩有願力者由願力故  
所有遊戲或身或光明或神通或眼  
或境界或音聲或行或莊嚴或勝解  
或所作此等乃至余所百千俱胝那  
庾多劫不易可數余時金剛藏菩薩  
欲重宣此義而說頌言

第六地行善備已

則修方便慧所引

不共進道殊勝行

以此趣入第七地

處三脫門積福德

通達無我修慈悲

福德及法常充滿

行到彼岸無執著

遠離三界而莊嚴

寂然滅世無煩惱

知法如幻而辦業

了刹如空樂嚴土

解身無相集相好

達響音離言善開演

刹那頓悟顯衆相

智者以此昇七地

觀察此法得明了

廣爲羣迷興利益

入有情界無有邊

佛教化業亦無量

能入刹土法劫數

勝解意樂及心行

說三乘法無限量

由是教化諸羣品

刹那引發雙運道

於四威儀常修慧

一一迴向佛菩提

念念具十到彼岸

善施有情是布施

滅惑爲戒不害忍

求善無厭斯精進

於道不動即靜慮

忍法無生名為慧  
引發後後智謂願  
如實成立法是智  
初地勝願覺支滿  
三地願增法明故  
五順世間事業故  
第七地中由發起  
以是能令第八地

起無量智是方便  
無能摧伏是為力  
如是念念皆成滿  
二地遠離心垢故  
第四地中入道故  
六入甚深法門故  
一切佛法覺支滿  
一切所作咸清淨

十地經卷第五

第二十張

時字

此地難過唯智者

以大願智乃能超

如雜純淨二界間

唯依神通乃能過

又如輪王無染著

然未名爲超人位

若住第八智地中

余乃踰於心境界

如生梵世超人位

如蓮處水無染著

此地雖超諸惑衆

不名有惑非無惑

以無煩惱而現行

希求佛智猶未得

世間所有衆妓藝  
經書詞論普明了  
靜慮等持及神通  
是由修行速成就  
菩薩修斯七道地  
超過一切二乘行  
初地願故此由智  
譬如王子力具足  
成就甚深仍進道  
數入滅定不作證  
譬如乘船入海中  
在水不爲水所溺  
方便慧行功德具  
一切世間無能了  
供養多佛心益明  
如以妙寶莊嚴金



此地菩薩智最明如日舒光竭愛水  
又作自在天中主化導羣生修正智  
若加勇猛精勤力獲多等持見多佛  
百千俱胝那更多願力自在復過是  
此是菩薩遠行地方便智慧清淨道  
一切世閒天及人聲聞獨覺無能測  
菩薩遠行地第七竟

佛說十地經卷第五

---


十地經卷第五

十地經卷第五

第二十一張 時字號

時

---



佛說十地經卷第六

時

于闐三藏沙門尸羅達磨於北庭龍興寺

譯

菩薩不動地第八

是時天王及天衆

聞此勝行皆歡喜

為欲供養於如來

及以無量大菩薩

雨妙幡華及幢蓋

香鬘瓔珞與寶衣

無量無邊千萬種

悉以摩尼作嚴飾

天女同時奏天樂  
供養於佛并菩薩  
一切見者兩足尊  
令此種種諸天樂  
於一毛端百千億  
如是無量諸如來  
一毛孔內無量刹  
須彌鐵圍亦復然

普發種種妙音聲  
共作是言而讚歎  
哀愍有情現神力  
普發妙音咸得聞  
那庾多國微塵數  
於中安坐說妙法  
各有四洲及大海  
悉見在中無迫隘

一毛端處有六趣  
諸龍神衆阿素洛  
於彼一切刹土中  
隨順一切有情心  
刹中種種有情身  
人天諸趣各各異  
大刹隨欲變為小  
如是神通無有量

三種惡道及人天  
各隨自業受果報  
悉有如來演妙法  
為轉最上淨法輪  
身中復有種種刹  
佛悉知已為說法  
小刹隨欲變為大  
世間共說不能盡

普發此等妙音聲

稱讚如來功德已

衆會歡喜默然住

一心瞻仰欲聽法

時解脫月復請言

今此衆會皆寂靜

願說隨次之所入

第八地中之行相

尔時金剛藏菩薩告衆菩薩言唯諸

佛子若是菩薩於七地中善修決擇

以慧方便善淨諸道善集資糧善結

大願善蒙安住如來加持得自善根  
力所持性隨順如來力無所畏不共  
佛法作意而行善淨增上意樂思察  
由福智力之所涌起以大慈悲於諸  
有情不捨加行隨於無量智道而行  
入一切法本來無生無起無相無成  
無壞無斷盡無流轉無止息性為性  
初中後位皆悉平等以真如中無分



別故入一切智即此菩薩遠離一切  
心意及識分別妄想無所執著與虛  
空等顯然入性名為已得無生法忍  
佛子菩薩成就如是無生法忍纔證  
菩薩不動地故得甚深住難可了知  
同無差別離一切相止息一切想之  
執著無量無邊以諸聲聞及以獨覺  
不可映奪寂靜一切寂靜現前佛子

譬如苾芻具足神通得心自在漸入  
第九想受滅定一切動亂憶想分別  
悉皆止息佛子菩薩纔得不動地已  
亦復如是離諸功用任運至得無功  
用性遠離一切身語意務安住異熟  
佛子譬如有人夢見自身墮在大海  
爲欲渡故發大勇猛起大剋勤以大

勇猛起翹勤故即便覺寤既覺寤已  
所作一切勇猛遽務皆悉休息佛子  
菩薩亦復如是見有情聚墮在煩惱  
四大瀑流爲欲救度故發大勇猛起  
大翹勤由以發起大精進故纔至  
菩薩不動地已一切功用靡不皆息  
即此菩薩所有一切二取現行或相  
現行不復影現佛子譬如天仙生在

梵世欲界煩惱終不現行佛子菩薩  
住此不動地時亦復如是一切心意  
及識現行不復現起又此乃至諸佛  
現行菩提現行菩薩現行涅槃現行  
尚不現起況復發起世間現行  
復次佛子菩薩如是行此第八不動  
地時安住本願力所持已即於如是  
法門駛流蒙諸如來覺悟勸導是時

諸佛授與引發如來妙智作如是言  
善哉善哉善男子此即隨順一切佛  
法勝義之忍然善男子我等諸佛所  
有十力四無所畏十八不共佛法自  
在汝今未得當爲成就佛法自在應  
起精進於此忍門勿復棄捨又善男  
子汝雖得是寂滅解脫然彼一切異

生種類未得寂靜未能寂滅常順異  
異煩惱現行種種尋伺之所侵害汝  
當愍念又善男子汝當憶念本所誓  
願謂令有情皆得義利及不思議智  
慧之門又善男子一切諸法法性如  
是若佛出世或不出世法界常住終  
無變易非但以此諸佛得現一切聲  
聞及諸獨覺亦證此法無分別法性

又善男子汝觀我等佛身無量智慧  
無量剎土無量光輪無量智所引無  
量清淨音韻亦無有量汝今亦應引  
發此事又善男子汝今唯得此一法  
明謂諸法中無分別慧然善男子如  
是法明諸佛如來無邊所行無邊所  
作無邊所繫爲欲證彼當起引發又  
善男子汝觀十方無量剎土無量有

情無量諸法種種差別應是一切如  
理通達佛子如是諸佛世尊覺悟勸  
導止地菩薩授與此等無量無邊引  
發智門令其無智差別故能成如是  
引發之業佛子我今告汝得解脫時  
諸佛不垂誨示今此菩薩入於如是  
引發門者當時即入究竟涅槃休息



一切利有情業以是諸佛授與如是  
引發無量智慧業故此地菩薩於一  
念頃所引智業此比於前從初發心  
乃至七地所修諸行百倍為勝千倍  
百千倍俱胝倍百俱胝倍千俱胝倍  
百千俱胝倍百千俱胝那庾多倍為  
勝筭數計喻乃至烏波尼殺曇倍亦  
復為勝所以者何佛子菩薩先以一

身引發諸行今乘此地以依無量分  
身差別修菩薩行以能引發無量音  
聲以能引發無量智慧以能引發無  
量受生以能嚴淨無量佛刹以能成  
熟無量有情以悉承事無量諸佛以  
悟無量法之理趣以起無量神通勢  
力以依無量衆會差別以無量行身  
語意業一切菩薩正行之力皆悉成

滿以不動故佛子譬如海船未至大海以有功用排牽而去若至海已則無功用任運而行以於大海風輪飄汎一日所行此比於前有功用時設經百歲不能令所無量而至佛子菩薩亦復如是已善積集善根資糧修證大乘隨至菩薩正行大海一須臾

頃以無功用智入一切智智此比於  
前有用業經百千劫不能令所無  
量而至唯諸佛子菩薩已至於第八  
地以由廣大方便善巧妙智所引無  
功用行菩薩正慧觀察一切智智之  
時觀世界成觀世界壞如世間成皆  
能了知如世間壞皆能了知由何業  
集世間成就皆能了知由何業盡世

間壞滅皆能了知幾時世界成皆能  
了知幾時世界壞皆能了知幾時世  
界成已住皆能了知幾時世界壞已  
住皆能了知又知地界小大無量及  
差別相了知水界小大無量及差別  
相了知火界小大無量及差別相了  
知風界小大無量及差別相又知微  
塵細相麤相無量相及差別相於何

世界所有若干微塵積聚微塵差別  
皆能了知於何世界所有若干地界  
微塵皆能了知所有若干水界微塵  
皆能了知所有若干火界微塵皆能  
了知所有若干風界微塵皆能了知  
所有若干有情界微塵皆能了知所  
有若干剎土聚微塵皆能了知又此

菩薩知有情身麤相細相身差別相  
知依那洛迦身有若干微塵知依傍  
生身有若干微塵知依鬼界身有若  
干微塵知依阿素洛世間身有若干  
微塵知依天世間身有若干微塵知  
依人世間身有若干微塵菩薩如是  
趣人微塵差別智已知欲界成知色  
界成知無色界成知欲界壞知色界

壞知無色界壞能知欲界小大無量  
及差別相能知色界小大無量及差  
別相知無色界小大無量及差別相  
了知三界於觀三界隨行智中復善  
引發智光明已於諸有情身差別智  
已得善巧於身分別智得善巧則於  
示現受生引慧此菩薩隨有情類受  
生差別及身成就隨其所應而爲同



類示現自身成熟有情

復次此菩薩於一三千大千世界普  
能徧滿隨有情身勝解差別引發受  
生以影現智隨所行故若二若三若  
四若五若十二十三四五十若百乃  
至不可說數無量三千大千世界皆  
能徧滿隨有情身勝解差別隨其所

應引發受生以影現智隨所行故菩  
薩成就如是智已從一佛剎其身不  
動於不可說諸佛剎土衆會之中皆  
悉顯現而此菩薩隨諸有情身及勝  
解意樂差別能於彼彼佛國土中及  
於彼彼衆會道場彼彼之處如是如  
是示現其身所謂於沙門衆中現沙  
門形婆羅門衆中現婆羅門形剎利

衆中現刹利形吠舍衆中現吠舍形  
長者衆中現長者形居士衆中現居  
士形於四天王衆中現四天王形於  
三十三天衆中示現三十三天形夜  
摩衆中觀衆多衆中樂變化衆中佗  
化自在衆中魔王衆中各隨其類而  
爲現形於梵衆中現梵形色又此菩薩  
應以聲聞身得調伏者而爲示現聲

聞身形應以獨覺身得調伏者而爲  
示現獨覺身形應以菩薩身得調伏  
者而爲示現菩薩身形應以如來身  
形得調伏者而爲示現如來身形佛  
子菩薩如是於不可說佛剎土中所  
有若干有情勝解於彼彼處如是如  
是現身差別

復次此菩薩遠離一切身相分別得  
身平等性知有情身剎土身業果身  
聲聞身獨覺身菩薩身如來身智身  
法身知虛空身此菩薩知有情心意  
樂引發若樂隨欲將有情身置於自  
身如是剎土身業果身聲聞身獨覺  
身菩薩身如來身智身法身虛空身  
置於自身又此菩薩知有情心意樂

引發若樂隨欲能以自身置於一切  
諸有情身能以自身置刹土身業果  
身聲聞身獨覺身菩薩身如來身智  
身法身虛空身亦復如是菩薩已知  
諸有情心意樂引發而將此身隨欲  
置於彼彼身中是菩薩於有情身中  
知業身異熟身煩惱身有色身無色  
身於刹土身中小相大相無量相雜

染相清淨相亂住相仰住相覆入相  
方網差別相皆悉能知於業果身中  
能知差別知假建立於聲聞身於獨  
覺身於菩薩身能知差別知假建立  
於如來身中知等覺身願身化身加  
持之身相好莊嚴微妙色身光明身  
意生身福德身法身智身皆悉能知

於智身中善思察相如實觀相果及  
加行所攝之相世間出世間差別相三  
乘安立相共不共相出離非出離相有  
學無學相皆悉能知於法身平等性相  
不毀壞相隨諸分位及假世俗安立  
之相有情無情法安立相佛法聖僧  
法安立相皆悉能知於虛空身知無  
量根徧行之相無形質相無異無邊



相以持色聚得顯了相皆悉能知即  
此菩薩如是已能引發身智得壽自  
在於不可說不可說劫加持壽量故  
得心自在已於無量無數等持觀入  
智故得資生自在已能示現一切世  
界無量莊嚴具莊飾加持故得業自  
在應時能現業果加持故得生自在  
於一切世間示現受生故得勝解自

在已能示現一切世界佛充滿故得  
願自在於隨所欲佛剎時分示等覺  
故得神通自在諸佛剎中皆能示現  
神通遊戲故得法自在已能示現無  
邊無中法門明故得智自在示現佛力  
無畏不共佛法相好正等覺故菩薩  
得此十自在故即得名為不思議智

者廣大智者不可映奪智者於是苦  
薩已至如是已能成就如是智慧畢  
竟無罪身業現行任運隨轉畢竟無  
罪語業現行任運隨轉畢竟無罪意  
業現行任運隨轉於一切業智爲先  
導隨智而轉慧到彼岸以爲增上大  
悲爲首方便善巧善所分別願善所  
引如來加持善所加護於諸有情利

益加行無有休息隨於無邊世界差別行佛子舉要言之菩薩至於不動地已所有身語意業現行皆爲積集一切佛法

復次菩薩如是至於不動地中於意樂力得善安住遠離一切煩惱現行故於增上意樂力得善安住不離道故於大悲力得善安住不捨利益有

情事故於大慈力得善安住能救一  
切諸世間故於總持力得善安住無  
忘失法故於辯才力得善安住於一  
切佛法選擇分別得善巧故於神通力  
得善安住於無邊際諸世界中行差  
別處得善巧故於大願力得善安住  
不捨一切菩薩所作故於到彼岸力

得善安住普集一切諸佛法故於如  
來加持力得善安住一切行相一切  
智智現在前故然此菩薩已得如是  
勢力所持能現一切諸所作事而於  
一切所作事中無有過咎佛子此之  
第八菩薩智地名爲不動地不可映  
奪故名爲不退地智無退故名爲難  
得地一切世間無能測故名爲童真

地無過失故名爲生地如所樂欲自在轉故名爲成就地無復所作故名爲究竟地以能善作智決擇故名爲涅槃地以善引發本願力故名爲住持地非佗所壞故名爲無功用地前際所引故佛子菩薩引發如是智已入佛種性以佛功德光明所照隨順如來威儀正行佛境現前無間無缺

十地經卷第六

第三時

如來威德常所加持釋梵護世之所  
奉近金剛力士常隨侍衛恒不捨離  
三摩地力引發無量分身差別一切  
身行勢力相應成就廣大異熟神通  
於無涯際三摩地中自在而轉能受  
無量菩提記別隨已成熟諸有情類  
現成正覺然此菩薩如是通達入大



乘會獲善觀察大智神通常恒能放  
妙慧光明趣入無礙真法界道能知  
世界差別之道示現一切諸大功德  
於自心起自在能轉於前後際善能  
知行善能通達伏除一切魔道之智  
證入如來所行境界能於無邊諸世  
界中行菩薩行已能成就不退轉故  
是即說爲菩薩已至於不動地

佛子菩薩住此不動地時恒常無間  
不離現見無量諸佛由三摩地力所  
引故然不棄捨麤見諸佛承事供養  
然此菩薩於一世界見無量佛無量  
百佛無量千佛無量百千佛無量百  
千那庾多佛無量俱胝佛無量百俱  
胝佛無量千俱胝佛無量百千俱胝  
佛無量百千俱胝那庾多佛見諸佛

已恭敬尊重以一切行相引發供養  
悉以奉獻彼諸如來皆悉承事於諸  
佛所領受世界差別義等無量法明  
轉復得於如來法藏於諸世界差別  
問答無能屈者於無量劫此諸善根  
轉得熾然光麗明淨無量百劫無量  
千劫無量百千劫無量百千那庾多

劫無量俱胝劫無量百俱胝劫無量  
千俱胝劫無量百千俱胝劫無量百  
千俱胝那庾多劫此諸善根轉得熾  
然光麗明淨佛子譬如善巧金師以  
所鍊金作莊嚴具已置瞻部洲聖王  
頂上或於頸下瞻部洲中一切臣民  
諸莊嚴具無與等者佛子菩薩住是  
不動地中此諸善根亦復如是一切

聲聞獨覺乃至七地菩薩所有善根  
無與等者以住此地大智光明普滅  
有情煩惱黑闇善能開闡智慧門故  
佛子譬如千世界主大梵天王徧運  
慈心普放光明滿千世界菩薩住此  
不動地已亦復如是能以光明普照  
徧運乃至百萬佛剎微塵數等世界  
漸滅有情煩惱炎熱令身悅豫於十

種波羅蜜多願到彼岸以爲增上餘  
到彼岸隨力隨分非不修行佛子是  
名略說菩薩第八不動智地若廣說  
者經無量劫不可窮盡菩薩安住於  
此地已受生多作大梵天王主千世  
界威德最勝無所映蔽善見義利得  
大自在爲諸有情善說聲聞獨覺菩

薩到彼岸道世界差別問答之中無  
能屈者諸所作業或以布施或以愛  
語或以利行或以同事此等一切悉  
皆不離佛作意法作意僧伽作意菩  
薩作意菩薩行作意到彼岸作意諸  
地作意佛力作意無所畏作意佛不  
共法作意乃至不離一切行相勝妙  
相應一切智智作意常作願言我當

一切諸有情中爲首爲勝爲殊勝爲  
妙爲微妙爲上爲無上爲無等爲無  
等等爲導爲將爲帥乃至願得一切  
智慧智依止處若樂發起如是精進  
由是精進一剎那頃瞬息須臾證得  
百萬三千大千世界微塵數諸三摩  
地能見百萬三千大千世界微塵數  
佛彼佛加持皆能解了能動百萬三



千大千世界微塵數諸佛剎土能照  
百萬三千大千世界微塵數諸佛國  
土成熟百萬三千大千世界微塵數  
有情住壽百萬三千大千世界微塵  
數劫於前後際各入百萬三千大千  
世界微塵數劫善能思擇百萬三千  
大千世界微塵數法門示現百萬三

千大千世界微塵數身身身能現百  
萬三千大千世界微塵數菩薩眷屬  
圍遶從此以上是諸菩薩有願力者  
由勝願故所有遊戲或身或光明或  
神通或眼或境界或音聲或行或莊  
嚴或勝解或所作此等乃至余所百  
千俱胝那庾多劫不易可數尔時金  
剛藏菩薩欲重宣善義而說頌言

七地已修方便慧  
善集資糧發大願  
得佛加持具善力  
順佛功德淨志念  
福智已超恒慈愍  
智慧廣大等虛空  
爲求勝智登八地  
契悟寂滅無生忍  
知法無生無起性  
無相無成無壞滅  
無盡無轉無止息  
無性爲性常平等  
以無分別入佛智  
超心意識分別想  
證此忍已得靜住  
甚深不動常寂滅

一切世間無能測  
住於此地不分別  
如夢渡河起翹勤  
菩薩爲度有情界  
如生梵世絕下欲  
於法駛流蒙諸佛  
語言我等諸佛德

心相取著悉皆離  
譬如苾芻入滅定  
寤已坦然無遽務  
功用此地息亦然  
於此二相除亦尔  
覺悟勸導歎其忍  
汝今未獲當勤進

汝雖已滅煩惱火

世間惑燄猶熾然

當念本願度有情

悉使修因趣解脫

法性常余離分別

非但由此顯世尊

二乘於此亦能得

故當引發一切行

如是人天應供尊

授此智令慧觀察

無邊佛法悉得成

一念超過曩衆行

菩薩住茲妙智地

則獲廣大神通力

一念分身徧十方

如船入海因風濟

心無功用任智力  
諸界種種各殊異  
三千界中四大種  
及以衆寶微塵數  
菩薩能知一切身  
刹土無量種種別  
譬如日月住虛空  
住於法取無所動  
悉知世界成壞住  
小大無量皆能了  
六趣有情身各別  
以智觀察悉無餘  
為化有情同彼形  
悉為現形無不徧  
一切水中皆現影  
隨其心樂各不同

一切衆中皆現身

聲聞獨覺與菩薩

及以佛身靡不見

有情刹土業報身

種種現身智法身

虛空身相皆平等

普爲羣生而示作

十種聖智普觀察

復以慈悲作衆業

所有佛法皆成就

淨戒不動如須彌

十力成就不搖動

一切魔衆無能轉

諸佛加持天王禮

密迹金剛恒侍衛  
千萬億劫說不盡  
如王頂上莊嚴具  
多作梵王千界主  
慈光普照滅衆惑  
微塵數等三摩地  
願力示現復過此  
我爲汝等已略說

此地功能無邊際  
復以供佛善益明  
菩薩住此第八地  
演說三乘無有窮  
一念獲得百萬界  
餘所作事悉亦然  
菩薩第八不動地  
若以次第廣分別



經於億劫不能盡

菩薩不動地第八竟

十地經卷第六